

Dia 28 di October awor:

# Number di Caya Washington lo cambia pa Caya Nelson Sprok!

ORANJESTAD (AAN) – Matutino DIARIO a ricibi informacion y a confirma esaki tambe, cu diamars 28 di October 2014, lo cambia e number di Caya Washington pa Caya Nelson Sprok. Esaki lo sosode pa 4' or di atardi y e ceremonia lo wordo realiza pa miembronan di Parlamento, y bunita ta cu netamente riba e fecha 28 di October, señor Nelson Sprok lo yega na e bunita edad di 75 aña!

Tabata tin un peticion den Parlamento, pa yama Caya Nelson Sprok e pida caminda cu e mes a traha y cu pasa den su cunucu. Ora e peticion aki a dreña, esnan di Parlamento a expresa cu no “cu e pida ey ta mucho chikito pa e homber grandi aki, un Arubiano ehemplar cu tras di cortina a contribui asina hopi cu su comunidad”, y a tuma e decision pa yama full e caya cu ta pasa dilanti su cas, conoci como Caya Washington, “Caya Nelson Sprok”.

Un homenahe bon mereci na un persona cu ta haci hopi trabao boluntario tanto cu su caha di orgel, cu cual e sa trece un nota di alegria na nos grandinan y den tur otro evento, por ehemplo pa recauda fondo pa un causa noble, unda e ta wordo invitado. Pero tin hopi cos bol-



untario mas cu sr. Sprok ta haci pero cu manera e refran ta bisa “no laga bo man robes sa kico bo man drechi ta haci”, asina mes señor Sprok ta. No obstante, semper tin hende cu ta comenta riba e bon hechonan di un ciudadano y asina informacionnan bunita ta plama rond.

Hopi pabien pa señor Sprok! Ah, y sigur hopi hende den e tercer edad aki na Aruba,

lo kier haya e receta of secreto, con sr. Sprok ta haci pa tene su mes asina bon, asina jong den su casi 75 aña! Berdad ora un hende tin paz y ta feliz cu local Dios ta dune (y e ta e caso di famia Sprok), e bondadnan aki ta refleha den nan condicion fisico. Great ora cu sa duna Cesar loke ta di Cesar y Dios loke ta di Dios!